

## ساعة وساعة الحلقة 51 الشيخ الحويني

أبو إسحاق الحويني

ان الحمد لله تعالى نحمده ونستعين به ونستغفره ونعوذ بالله تعالى من شرور انفسنا وسبئات اعمالنا من يهد الله تعالى فلا مصل له  
ومن يضل فلا هادي له واشهد ان لا اله الا الله وحده لا شريك له - 00:00:00

واشهد ان محمدا عبد ورسوله اما بعد فان اصدق الحديث كتاب الله تعالى واحسن الهدى هدي محمد صلى الله عليه واله وسلم وشر  
الامور محدثاتها وكل محدثة بدعة وكل بدعة ضلاله - 00:00:27

وكل ضلاله في النار اللهم صل على محمد وعلى آل محمد كما صليت على ابراهيم وعلى آل ابراهيم في العالمين انك حميد مجيد  
وبارك على محمد وعلى آل محمد كما باركت على ابراهيم وعلى آل ابراهيم - 00:00:50

في العالمين انك حميد مجيد فستتكلم اليوم ان شاء الله تعالى عن حسن خلقه صلى الله عليه واله وسلم مع نسائه ولكن قبل ان ابدأ  
في صلب هذا الموضوع لابد ان اتكلم عن حسن الخلق كسجية وطبع - 00:01:10

فان حسن الخلق لا يتجزأ وحسن الخلق مع الناس يكون حسن الخلق مع الدواب يكون حسن الخلق حيثما وجه وجهه ونحن نعاني  
كثيرا عندما نتلقى مشاكل الناس من سوء الخلق. ونرى ان اكثر هذه المشاكل - 00:01:39

يعود الى سوء الخلق اما حسن الخلق فلا سلبية له مطلقا الا ما يكون من جانب الضعف والذي يقال فيه حسن الخلق لأن اللئيم مثلا  
اذا عومل بحسن الخلق زاد لؤما - 00:02:06

لكن توصيف المرء باللؤم يحتاج الى انصاف ممكن انسان يتعدى حدوده ويصف من خالقه باللؤم لكنه في الحقيقة ليس لئاما لكن لكن  
الخصومة جعلته يحكم عليه بهذا. لا لابد ان يكون لئاما فعلا - 00:02:32

فاذًا ثبت لؤمه فعلاً وأنه رضع اللقبة في ايام لما ولدت بعد مولده او كان اللؤم في نطفة ابيه اللي احنا بنسميتها الجينات اللي عنده  
جينات لق لئيم حقا. مثل هذا - 00:02:56

لا يعامل بحسن الخلق باطلاق ولا بسوء الخلق باطلاق. لكن حيث توجد المصلحة يكون ثم. هذا او لأن احيانا الانسان اللئيم اذا عملته  
بسوء الخلق يزداد شرا فاذًا عملته بحسن الخلق اطفأت شره. ربما كانت المصلحة تقتضي هذا - 00:03:15

لكن ارجع الى اصل المسألة. واقول ان حسن الخلق سجية وطبع يولد المرء به يمارس حياته في اقواله وافعاله بلا تكلف لا يتتكلف  
ليستدعي حسن الخلق لا وحسن الخلق يكون مع الله - 00:03:39

سبحانه وتعالى ومع الناس اما مع الله سبحانه وتعالى فانه يجب ان تعلم علما يقينيا ان ما صدر منك لله عز وجل يوجب عذرا وان ما  
اتى من الله اليك - 00:04:06

يوجب شكرها فانت تعيش في منزلة منته وشكرا في الوقت الذي تنظر فيه الى عيب نفسك وهذا كلام مهم كل ما صدر منك الى الله  
عز وجل يوجب عذرا سواء كان طاعة - 00:04:32

او كان معصية اما اذا كان طاعة فانك لم تأتي بالطاعة على وجهها في الصلاة مثلا قال الله عز وجل اقيموا الصلاة اقيموا الصلاة ليس  
هو مجرد اقامة الحركات او ان انا اطمئن في الركوع - 00:04:56

او السجود وقلبي ممزق في شعب الدنيا لأ اذا خلا القلب من الخشوع ومن الاقبال على الله عز وجل لم يأخذ المرء من صلاته الا  
الحركات وفي الحديث ان النبي صلى الله عليه وسلم قال ان العبد لا يصلى - 00:05:22

فيأخذ من صلاته ربها ربها ثلثها خمسها عشرها حتى ان بعض الناس لا يأخذ من صلاته شيئا يعني انا مسلا لو افترضنا جدلا هذا

العبد هندي له مسلا درجة في الفرض الذي صلى. ممكناً يأخذ صفر من عشرة - 00:05:43

او واحد من عشرة او اثنين من عشرة او ثلاثة من عشرة كل ده على حسب اقبال الایه؟ اقبال القلب كما قال صلى الله عليه وسلم رب صائم ليس لهم من صيامه الا الجوع والعطش. يبقى اذا هيكلة - 00:06:04

الصيام او هيكل الصيام قائم لكن روح الصيام التي من اجلها شرع الصيام يعني آآ التقوى ان يتلقى العبد ربه عز وجل وان يزداد زكاة وقرباً من الله عز وجل هذا لم - 00:06:16

فالعبد اذا قيل له كما قال الله عز وجل اقم الصلاة او واقيموا الصلاة فان هذا العبد لم يأتي بالصلاه على وجهها فهذا يوجب عذراً ان يعتذر الى الله تبارك وتعالى - 00:06:30

العبد الذي اخرج من زكاته اه اه مالاً ليس بطيب او لم يخرج طيب ماله في الزكاة اه ممكناً تكون سقطت الزكاة عنه يا فريدة لكن الله عز وجل قال ولا تاموا الخبيث منه تنفقون - 00:06:46

ولستم باخذه الا ان تعمضوا فيه فهذا لم يقم بحق ايتاء الزكاة. وهكذا خد في كل طاعة من الطاعات فكل طاعة لا يفعلاها العبد على وجهها كما امر الله سبحانه وتعالى توجب عذراً ان يعتذر الى الله من شتان قبله - 00:07:04

وفي المعصية فالعذر واضح اتي ما حرم الله عز وجل سواء كان في قيمة ما حرم او دون ذلك لأن المحرمات درجات كما ان الواجبات درجات هناك مثلاً آآ للصلاة اقامة الصلاة او الصلاة يعني لا تكونوا كمثالاً الامر بالمعروف والنهي عن المنكر في جزئية من الجزئيات - 00:07:24

الصلوة واجبة والامر بالمعروف والنهي عن المنكر واجب لكن هذه في اعلى وهذه ادنى منها لكنها كلها في منطقة الایه؟ في منطقة الواجب كذلك المحرم مثلاً آآ الشرك بالله عز وجل لا يستوي مع تطبيق الميزان - 00:07:50

هذا حرام والشرك بالله عز وجل حرام لكن هذا اعلى الشرك وهذا اي اعلى المعااصي وهذا ايضاً من جملة المحرمات لكنه دون ذلك فكل ما صدر منك سواء كان من طاعة او كان من معصية - 00:08:12

فانه يوجب عذراً وكل ما اتاكم من الله جل ثناؤه فانه يوجب شكره حتى المصيبة توجب شكره. ولذلك احنا فيما نقول الحمد لله الذي لا يحمد على مكروه سوى - 00:08:32

يأتيك المكروه اي الذي تكرره انت عشان بس بعض الناس آآ يعني آآ في مسألة والشر ليس اليك بعض الناس يتصور ان الشر ليس من الله لا الله خالق كل شيء - 00:08:55

الخير والشر منه تبارك وتعالى لكن حتى لا يتصور العبد ان ما يأتيه من الله شر محض كان من دعاء النبي صلى الله عليه وسلم كان يقول والشر ليس اليك - 00:09:16

يعني ايه الكلام ده يعني الشر المحض الذي ليس تحته حكمة ليس الى الله عز وجل ابداً انما هو شر بالنسبة لك انت لانك متاذري منه لكنه خير في الحقيقة. اذ لا يأتي من الله الا الخير - 00:09:32

سواء اعتبرته خيراً من جانب انه نعمة او اعتبرته شرها من جانب انه اذى قال الله عز وجل لما حدثت حادثة الافك لا تحسبوه شراً لكم بل هو خير لكم - 00:09:54

حادثة الافك هذه زلزلة المسلمين لأنها تتعلق بعرض النبي صلى الله عليه وسلم وبعرض السيدة المصونة العفيفه طاهرة الذيل حبيبتي النبي صلى الله عليه وسلم عائشة رضي الله عنها واصعب شيء - 00:10:10

ان يتم لهم بريء لا يجد دليلاً براءته دي اصعب حاجة آآ المسألة دي زلزلة المجتمع الاسلامي ولا شك ان عائشة رضي الله عنها قالت انها لما علمت وكانت مريضة مرضت شهراً حتى علمت من ام مسطح وهي خارجة للخلاء - 00:10:33

اهنى بالقضية بدأت تعرف بذور القضية من ام مسطح فلما ذهبت الى ابيها الناس بيتكلموا شهر كامل وهي ما تعرفش لما ذهبت الى بيت ابيها ل تستوثق فقالت لها امها يا بنبي هوني عليك لقلما امراة وضيئه تكون عند رجل له عدة نسوة الا اكتزن عليها - 00:10:57

قالت سبحان الله او تحدث الناس بهذا؟ مش مصدقة نفسها قالت فمرضت مرضًا على مرضي وظللت ثلاثة أيام بلياليهن ابكي حتى

ظننت ان البكاء فالق كبدي ده يعني ما ليس هناك تعبير - [00:11:17](#)

اقوى من هذا في الداللة على المصيبة ومش كده بس والنبي صلى الله عليه وسلم صار يسأل عن عائشة سأل علي ابن ابي طالب وسائل بريغ وسائل اسامه بن زيد - [00:11:41](#)

حتى صعد المنبر واستعذر من الذين يتكلمون في عائشة وقال ما علمت عن ابي الا خيرا زلزال حصل ربنا عز وجل يقول ايه لا تحسبيوه شرا لكم بل هو خير - [00:11:54](#)

هو وجها وجهه مكروه لا شك عند النبي صلى الله عليه وسلم عند عائشة عند سائر المؤمنين لكنه خير تميز به المجتمع المسلم وارتفع به قدر عائشة رضي الله عنها - [00:12:10](#)

وهي كانت تتقول ولا انا في نفسي كنت احقر من ان ينزل الله في قرآن يتلى اقصى ما كانت تتمناه عائشة رضي الله عنها او تحلم به ان يرى النبي صلى الله عليه وسلم رؤيا - [00:12:29](#)

بيرئها الله بها لكن مسألة ينزل في شأنها قرآن تتقول انا كنت احقر في نفسي من ان ينزل الله في قرآن يتلى وحصل بقى نوع من التمايز وزهر المناافقون الذين فرحوا وشمتوا في المسألة دي - [00:12:48](#)

العبد اذا اصيب بمكروه فاحسن ظنه بربه واتهم نفسه ان كل ما يخرج منه يوجب عذرا وكل ما يكون من رب العالمين يوجب شكرها فلما يحسن ظنه بربه ويعتقد كما قال النبي صلى الله عليه وسلم في دعائه والشر ليس اليك - [00:13:07](#)

اي الشر المغض الذي ليس تحته حكمة لا يكون منه تبارك وتعالى يبتلي اهل الایمان حتى يحققوا العبودية يحققوا نوعا خاصا من العبودية اسمه عبودية الذل والانكسار اراد الله بعد خيرا مطبيع العبد - [00:13:32](#)

اراد به خيرا. العبد ماشي مطبيع ما فيش مشاكل ما فيش سيئات ما عارف ايه الكلام ده ممكن يغتر واتصور انه وصل اذا دخل على حافة الغرور يكسره - [00:13:56](#)

بيكسرها بايه بمعصية يعملاها ويوجد في قلبه الحباء من الله والحياء من الناس فيقوم يطاطي وانكسر نصره الله عز وجل لانه رايج الى حافة الغرور هذا كان خيرا له اذ لو خلى بينه وبين نفسه لاغتر - [00:14:11](#)

بعبادته وهلك الظالم يكسرها ليه عذابا له تعذيبا له ورحمة بالذين امنوا ولذلك ربنا عز وجل قال في القرآن فقطع دابر القوم الذين ظلموا والحمد لله رب العالمين فحمد الله عز وجل نفسه انه اهلك هذا الظالم - [00:14:37](#)

واحد بيأكل اموال الناس يعمل مضاريات وهمية غير صحيحة يأخذ من الناس من اموال الناس بالظلم والعدوان باسم المضاربات الوهمية او الاسهم. اللي هي الوهمية اللي هي عبارة عن ارتفاع على الورق - [00:15:06](#)

فقط السهم مسلا بسبعين جنيهه بيتدى يعمل كم مليون سنة؟ للشركة بتاعتها. الناس تدخل تشتري بعض الناس بيتدى يحصل نوع من الاعلان. ده الشركة دي ناجحة السهم ده هيبقى بمية - [00:15:23](#)

وبعدين شائعات في كل مكان ده هيبقى مية وخمسين متين. العالم بتتدى تشتري في ناس مدربين يقول لك ادخل اشتري بمية اول ما يوصل مية وعشرين مية وتلاتين او مساحة فلوسي - [00:15:40](#)

في خلال اسبوع يسحب فلوسه بيقى ضمن خد مكسب عشرين وممكن يكون واحد كام مليون سهم كام الف سهم بيقى خد الایه؟ القطر. بتاعة القفص وش القفص دي ياخدها وبعدين يقوم داير بالمباسب - [00:15:55](#)

المكسب اللي هو عشرين زيادة. يدخل بهم يجيب اسهم تاني ما هي لو خسرت كلها يقول لك طب الحمد لله ما خسرتش انا رأس مالي معى وبعدين ابو مية وعشرين يزيد بيقى مية وخمسين يقوم ساحب فلوسه - [00:16:11](#)

وهكذا بيتدى يحوش من اموالهم. مين بيقى اللي هو دايما طمعان وفرحان؟ الغالية بيقى. اللي هو عنده مسل بتاع خمسين الف ستين الف الف مسلا بيتدى يقول لك ايه كل شوية يشوف مفتر بورصة جميل ده بيطلع ده بيطلع ده بيطلع - [00:16:23](#)

يطلع السهم لمتین تلميمية ربعمية على الورق العالم بتشتري فيه واحد يشتري بمية وخمسين واحد يشتري بمية وسبعين وعشرين بميتين واحد يشتري بميتين وعشرين والكلام ده والدنيا يا باشا وبعدين بيتدى السهم يتردى وينزل - [00:16:40](#)

معظم الناس مش فاهمين ليه طلع وليه نزل طلع على الورق هينزل برضه على الورق بربعمية. لأنزل تلتلمية وخمسين. نزل مش عارفين الكلام ده الناس برضه اللي هم اصحاب رؤوس الاموال يلحق يسحب - 00:16:54

نزل متين قال طب واللي اشتري بمتيين وعشرين ده يعمل ايه اذا كان يعني واعي شوية يقول لك الخسارة قريبة آآ اقدر اتحملها اسحب الجماعة الثانيين ايه طب ايه يا جماعة البورصة يتصل بي واحد في البورصة زميله مسلا او عامل مش عارف ايه او موظف كبير يقول له لا لا ده انت عارف البورصة نازلة طالعة - 00:17:09

اصبر شوية متين وعشرين ده هيطلع شوية وممكن يطلع متين وعشرين يطلع متين واحد وعشرين ميتين اتنين وعشرين يقول لك خلاص هيطلع بيزحف صحيح بس هيطلع ما يرضاش يسحب العالم اللي اصحاب اللبوس والاموال الضعيفة دي الكلام ما يرضاش يسحب ابدا - 00:17:28

هوب ينزل السهم لمية لسبعين كل ده في جيب مين يجيب واحد او اتنين او ثلاثة خدوا اموال الناس كلها حطوها في جيوبهم اتخربت بيوت وناس ماتت اللي بالزبحة القلبية. وناس ماتت مش عارف بضغط الدم. والكلام ده. وناس دخلت مصحات نفسية - 00:17:41

لانه اتجنن. حصل له حاجة والكلام ده. والثاني مقتبط تماما ان يجيبيه اتملى طيب ان الله ليمهل للظالم حتى اذا يعني آآ لم يفلته اذا اخذه لم يفلته. طيب فضل يجيبي بقى ملايين في ملايين دخلنا على مليارات على مش عارف ايه الكلام ده - 00:18:05 الازمة الاخيرة دي اللي بلاد اعلنت افالاسها. بلاد دول مش افراد ولا بنك لأ دول اعلنت افالاسها وفي دول بتتجمل بتقول لهم الحقونا احسن ما هنعلن افالاسنا اقفوا معنا في ناس - 00:18:26

خسروا ملايين و مليارات في البورصة عشان المعاملات المحرمة وعشان الاموال اللي نهبوها من جيوب الناس اهو ده ظالم والله عز وجل الذي لا يسأل عما يفعل والذي يحكم ما يريد - 00:18:45 قال كما في الحديث الالهي اني حرمت الظلم على نفسي وجعلته بينكم محرما فلا تظالموا اذ لو جاز ربنا وتعالى الله عن ذلك علوا كبيرا لو جاز ان يظلم لن يراجعه احد - 00:19:06

ولن يحكم عليه احد ومع ذلك حرم الظلم على نفسه فباي وجه يا ابن ادم تظلم الناس وهو محرم عليك وفوقك رب يحاسب بكل محننة تنزل بالعبد ان احسن ظنه بربه - 00:19:28 وعلم انه مقصري في حق ربه كل فعل منه يوجب عذرا طاعة كان او معصية وكل ما يأتي من الرب جل ثناؤه يوجب شكراء سواء حتى لو كان فيما يكره العبد - 00:19:52

يبقى ده حسن الخلق مع الله سبحانه وتعالى اما حسن الخلق مع الناس فهو في كلمتين بذل الندى فعلا وقولا وكف الاذى فعلا وقولا النفس لمن لا يعرفها مهما حملتها - 00:20:08

تحمل وهذا اصل اصيل انا عايز يعني الاباء يفهموا القصة دي القصة دي. الاباء والامهات مهما حملت على النفس حملت ليه؟ لأن آآ لأن احتمال النفس وسعت النفس لا حدود لها - 00:20:36

بعض الاباء اللي عندهم حنان مرضي حنان بينحرف ويمشي غلط بيجي يسأل بيقول انا اوعزت الولد ونصحته وتكلمت معه كثيرا قلت له يا ابني حرام عليك اللي انت بتعمله ده حرام - 00:21:02

وكان عايز سيارة جبت له سيارة وبديله مرتب وما بيقولش حاجة الا اما اداها له ومع ذلك الولد شارد اعمل ايه قل له انت رب البيت هتيجي يوم القيمة انت في الاول - 00:21:25

ومراتك بعديك وولادك بعديهم انت الراعي لدول القوامة لما ربنا عز وجل اداها لك ما اداش القوامة انجها يعني ولا انك انت تجلس على نفسهم ولا انهم يبوسوا على ايديك ولا رجليك لأ - 00:21:45

دي فيها واجبات وآآ مسئوليات فتقتف تسأل عن نفسك خدت عشرة على عشرة يعني تدخل الجنة يعني لا مش هتدخل الجنة اما تيجي تسأل عن الطابور اللي وراك تسأل عن امرأتك - 00:21:58

ما كانتش لابسة الحجاب ليه كانت طالعة بتحاطل الناس ليه كنت مشغلها موزفة في وسط رجاله وتقول مراتي امرأة طاهرة عفيفة لو زرعتها في فدان رجاله انا امن عليها خلي السوق يوصلها ومش عارف مين يجيبيها وبتاع والكلام دوت وقاعددين - 00:22:18  
كانت عمالة ترقص ولا كانت عمالة تغنى ولا عمالة تختلط بالرجال ومش عارف ايه لا اليه ما عملش كده ما فيش له جواب قل فله الحجة البالغة. انزل بقى جهنم خد بقى استوي - 00:22:34

بحق المرأة اطلع فوق الولد ده كان بيسكر والواد ده بيلعب قمار والواد ده مش عارف بيعمل ايه والواد ده بيعمل ايه. كل واحد من دول تستوي به مع ان انت على مستوى الشخصي مسلا يعني انا هفترض - 00:22:45  
انه على المستوى الشخصي واحد عشرة على عشرة فاي رجل في الدنيا حمل تقيل. طب الولد ده انت يعني آآ طولت حبل الصبر عليه قلت له يا ابني ما تعملش كزا وما تخليش كزا وما تساويش كزا يا ابني حرام عليك اتق الله بتاع الواد ولا هو هنا - 00:23:03  
طيب ايه الحل يا عم الشيخ اقول خلاص انت رب البيت اعمل فراملات الساعة عشرة متأخر عن الساعة عشرة مش هتدخل البيت عشرة وخمسة مش هفتح لك عشرة وخمسة مش عشرة وحقيقة مش هفتح لك الباب - 00:23:19  
بيقول يا عم الشيخ ما هو انا دلوقتي حاجات برد ما هيروح مع البانجو ويروح مع الحشيش ما هو على الحشيش مع الحشيش والبانجو بفلوسك برضو سيبه برة خليه برة - 00:23:37

في الآخر اللي بيحسشه معه ويشرب بانجو ومش عارف ايه والكلام دهوت ما فيش حد يقدر يتحمله. هيبات في مادة يوم في بيت ده يوم وبيت ده يوم وفي الآخر يعمل ايه يعني - 00:23:53  
لازم يرجع على الاقل يبقى انت سلكت هذا وذان الترغيب مش نافع ما بقي الا الترهيب. عشان تقول يا رب انا اعتذر. عملت كل حاجة خلاص يقوم يقول لك ايه آآ قلبي ما يطاوعنيش - 00:24:02  
ما اقدرش اعمل ديت ده حب مرضي ده حب مرضي. لأننا باقول لك حمل وعلم ابنك الفتوة وما تخافش عليه. ما فيش حد بيموت من الشغل عبدالاول ابن عيسى - 00:24:17

الملقب بابي الوقت كان احد من انتهى اليه علو اسناد البخاري الو اسناد صحيح البخاري ابوه عيسى الشيخ عيسى رحمة الله عليه كان بيعمل معه ايه كان بيأخذه في طلب العلم وهو سنه ست سنين - 00:24:39  
ابن ست سنين طبعا ابوه عيسى بينه وبين نفسه نذر الا يركب دابة قط في طلب حديث النبي صلى الله عليه وسلم كل ده يمشي على رجليه عشان ياخد الاجر - 00:25:06

فكان بيأخذ عبد الاول ابنه كان بيأخذه معه ابوه طول كده والخطوة منه الواد يجري قبلها عشر خطوات ابنه ست سنين او سبع سنين فكان يعمل ايه عبدالاول ده كان يخلية يشيل في كل في كل يد قالب طوب - 00:25:23  
قالب طوب زي قلب الطوب الاحمر اللي عندنا ده بي Shirley قبلين وبعددين يقول له ايه امش وبالى ما تتأخرش عنني هو لو ما معهوش طوبتين قبلين طوب شايلهم حيجري وبين ابوه - 00:25:48

لأ ده شايب قبلين طول شايل قبلين طوب وبيجري قبلة بوب بالقبلين دول هيقول عبدالاول ايه كنت اتأخر فيننظر الي ابي ويقول ما لك تأخرت؟ تعبت؟ يقول فكنت اخاف منه اقول له لا ما تعبت يقول له فما الذي يؤخرك - 00:26:06  
مد شوية هيقوم بيذل ايه بيذل جهد طب مشي مرحلة عند الاول وفي في ايده قبلين طوب فابوه يقول له ايه بعد مرحلة كده ارم واحد منهم يرمي واحد منه يتفضل واحد - 00:26:28

كل ما يتأخر يقولوا لها تعبت يقول له لأ يقول له ما لك تأخرت يجري لا خلاص الواد فرهد بقى بيقول لي طب ارمي القالب التالي يفضل ماشي جنب ابوك - 00:26:43

مش عارف بقى الواد هيتكسب بقى. ما هو خلاص مش عارف يمشي. يقوم ابوه شايله على ايه على كتافه تمر القوافل القوافل اللي هي فيها بقى الركائب والكلام ده عيسى شايل ابهه - 00:26:56  
بيقول يا شيخ عيسى ما هتجيب الولد ده نركبه معنا. وتعال انت اركب. يقول لهم معاذ الله ان اركب انا وابني في طلب حديث النبي

صلى الله عليه وسلم السؤال - 00:27:11

وعبد القوي بن عيسى ده ما لوش قلب قد قلبه من حجارة لأ بس شيلة القلبين دول علم عبد الاول ابن عيسى الارادة علمه التحمل احنا ولادنا الان لما تيجي تقول لي يا ابني اطلب العلم يقول والله يا ابي ما اننا عارف انا ما عنديش ارادة ما عنديش همة -

00:27:24

ها تبص تلاقيني عزمت كده على اني اطلب العين وبعدين فجأة الاقيني مفرهد كده مش عارف اطلب حاجة دول ولادنا اللي بيعملوا كده لأ عبد الاول ابن عيسى ترك لابنه سمعة - 00:27:45

حتى صار على من أعلى الناس اسنادا في زمانه فكان يعلمه الارادة يعلمه التحمل بيعلمه الصبر حتى يكون سجيا لا تحسين المجد تمرا انت اكله لن تبلغ المجد حتى تلعق الصبر - 00:28:01

لازم تشرب المر الواان اذا اردت ان تكون صاحب مجد وصاحب سمعة ما بتجييش المسائل كده بسهولة اي بنى ادم له مجد وشرف وسمعة اعرف انه في زمن الخمول كان بيسب التراب - 00:28:22

زمن الخمول اللي هو ايه ؟ ايام ما كانش مشهور ايما مسلا لو اتكلمنا عن شركة العلماء على اساس انهم اشرف طوائف اهل الارض اذا صدق نياتهم لله عز وجل. ده قبل ما يطلع ويظهر - 00:28:39

ده سف التراب تحت الارض في مرحلة الخمول كان وهو بيزاكر في الاصول ولا في غيره يخبط دماغه في الحيط. عشان مش فاهم. لكن لازم يفهم ولا كان معنا ولا كم سهر ولا كم تعب ولا كم رحل الى آآ المشايخ ولا كم كلح المشايخ في وجهه واغلقوا الباب دونه -

00:28:55

وهو في ذلك صابر محتسب. ليه؟ عايز يصل. عارف القصة النفس دي هذه النفس تحملها لا نهاية له علشان كده ما يصعبش عليك ابنك لما تقسو عليه علشان يصل غدا يحمد لك هذا - 00:29:15

الولد الفاشل بعد ما بيفشل يلعن اباه بيقول ابويا ايه اللي ضيعني كان مدليني كل حاجة عايزها يجييها لي. ومش عارف ايه وما حملش علي والكلام ده بيتدلي يوم اباه - 00:29:39

اللي هو ما اشتدىش عليه. او ان هو ما يكن حريضا عليه يبقى انت لما تتك على ابنك ما يصعبش عليك وما تقولش كده الولد كده نفسه اتكسرت والولد كده مش هيتحمل. ده نوع من الحب المرضي عندنا - 00:29:55

في في جيلنا او في الجيل الذي سبقنا. نوع من الحب المرضي. لأ النفس لها امكانات لها هائلة الشاعر بيقول وما النفس الا حيث يجعلها الفتى فان اعطيت تاقت والا تسليت - 00:30:11

وما النفس الا حيث يجعلها الفتى فان اعطيت والا تسليت من السلوى اي النسيان والشاعر بيقول والنفس طامعة وبعض العلماء قال هذا احكم بيت قالته العرب والنفس طامعة اذا اطمعتها - 00:30:33

واذا ترد الى قليل تقنعوا وقال الاخر البوصيري والنفس كالطفل ان تهمله شب على حب الرضاع وان تفطمه ينفطم فطول ما انت بتدي لنفسك تحمل وتدي لها تجيب معك العملية قلت خالص - 00:31:02

وحبيت تقع بقى وتبقى الكلام ده تيجي معك سوانى اعطيت لها في الامل او قلست لها او اغلقت باب الامل هي معك. منين ما تديها تاخد منين ما تاخد منها تحمل - 00:31:26

هذه النفس بعيدة الغور عميقه القعر ينبغي ان يعرف المرء حدودها. انا بتكلم الكلام النفسي الكتير ده ليه علشان بعض الناس الذي ليس حسن الخلق عنده سجية يستطيع ان يجعله سجية - 00:31:44

الذى يعجز ان يجعل حسن الخلق سجية اما ان يكون لئاما وده ما ينفعش معه دواء او ان يكون ضعيف الهمة الاولاني ما ينفعش معه دواء ليه؟ لان هو كده - 00:32:11

زي ما قلنا الجينات عنده جينات لقم اشووف القصة التي آآ ذكرت في كتب الادب ان امرأة اعرابية وجدت ذئبا صغيرا. لسه مولود ما لوش اب ولا ام ما لوش ام. اهو الحيوانات ما لهاش اباء - 00:32:28

ما لوشن ام آآ فصعب عليها او قامت واحدا و كان عندها معزة شاه يعني لسه والدة وفيها ابن فعلمته ازاي يرضع من المعاذه دى عشان ما يموتش - 00:32:50

المهم الدibe ببدأ يكبر ويلاعب مع المعاذه ومع امها وبناء والكلام ده والست خلصت اطمانت على ايه على هذا الوليد ايه ده كبر الدibe شوية المهم الست راحت مشوار ورجعت لقت ايه الدibe - 00:33:10

فاتح كرش المعاذه وبياكل فيه فلما بصت كده فزعت وقالت ايه على سجيتها كده ايه بقرت شويهتي بقرت شويهتي وفجعت قلبي وانت لشاتنا ولد ربيب غذيت بدرها وربيت فينا فمن اباك ان اباك ذيب - 00:33:29

اذا كان الطياع طياع سوء فلا ادب يفيدي ولا اديب تقول له انا مش فاهمة يعني انت مين عرفك ان ابوك ذيب ده انا واحدا قد كده شوية لحم وبعدين غزيت بدرها - 00:34:05

الضر اللي هو اللبن يعني يعني انت اغزيت بلبنها وربيت فينا اتربيت في وسطنا فمن اباك ان اباك ذيب جينات موجودة في الدibe. يطلع ابنه دibe. ان شا الله يتربوا في وسط معيز - 00:34:25

ابوه دibe يبقى دibe وبعدين قال الحكمة الاخيرة بقى اذا كان الطياع طياع سوء جينات سينة يعني فلا ادب يفيدي ولا اديب خلاص ده بقى اللي هو ايه؟ رضع اللقمة - 00:34:42

ده انا ما ينفعش فيه حاجة ما نعرفش نقول له ها خطابنا ليس مع هذا يبقى الثاني عنده ضعف همة اللي هو عصبي مسلا عصبي العصبية دي مشكلة كل حاجة تبص تلاقي غضبه في السما - 00:35:01

مؤمن الرضا كافر الغضب اذا غضب يضرب بالنار واذا رضي يبقى زي المية العصبي كده اذا ارادت تلاقي زي المایه ده غاضب ما فيش حد يطيقه ولا يحتمله العاصي ده لو عايز يبقى حليم يعني - 00:35:23

وده كوييس هل ممكن ولا حسن الخلق سجية يولد المرء بها زي ما اشجع عبد القيس قال سأل النبي صلى الله عليه وسلم حديث ابن عباس وحديث ابي سعيد الخدري كلما في صحيح مسلم - 00:35:41

اصل الحديثين في البخاري بس ما عدا الايه الجملة اللي هي ان النبي صلى الله عليه وسلم قال لاشج عبد القيس واسمه المنذر بن عائز قال له ان فيك لخصلتين - 00:36:02

يحبهما الله الحلم والاناقة في مسنن الامام احمد وسنن النسائي كبرى وفي الادب المفرد للامام البخاري من حدث الاشد نفسه قال يا رسول الله اهاتان خصلتان جبني الله عليهما من قديم - 00:36:19

قال نعم فقال الاشج الحمد لله الذي جبني على ما احب على ما يحب الحمد لله الذي جبني على ما يحب جبلة حسن الخلق جبلة هل الانسان بقى اللي ما عندوش الجبلة دي - 00:36:46

ممکن يبقى حسن الخلق اه ممكن يبقى حسن خلق اذا استعمل الاخلاق النبوية وحمل نفسه عليها ما انا مش انا كنت لسه بقول لك النفس حمل عليها تشيل لكن عايزه واحد عنده اراده - 00:37:09

عايزه واحد عنده هدف ساعتها النفس تشيل يحملها على ما تكره وتشيل برضه فلا يزال يحملها على ما تكره حتى يملکها ولا تملکه هو ده اللي ممكن يجي منه امل - 00:37:28

تيجي من من يأتي من افعاله نتيجة اه هناك حدث يصححه بعض اهل العلم والذي اعتقاده في هذا الحديث انه موقف موقوف على عثمان رضي الله عنه اي صح من قول عثمان - 00:37:46

ولم يصح من قول النبي صلى الله عليه وسلم انما الحلم بالتحلم والعلم بالتعلم بص بقى للنكتة في في هذا القول الحكيم انما الحلم بالتحلم والعلم للتعلم طب الحلم صفة جبلية - 00:38:06

يخلق المرء بها طب العلم صفة جبلية ولا صفة كسبية عاصفة كسبية لان الله عز وجل قال والله اخرجكم من بطون امهاتكم لا تعلمون شيئا كل اللي بينطق به النبي ادم يوم ما ينزل من بطن امه يقول ادي اللي يعرفه بس - 00:38:35

في اكتر من كده وينزل محمولا على الايدي ويموت فيدفن محمولا على الايدي كما بدأنا اول خلق نعيده خلاص يبقى النبي ادم يولد

يولد جاهلا لا يعرف شيئا يبتدئ يتعلم - 00:38:57

ويأخذ من المعارف ومن الاخلاق حتى تعقد حتى تعقد عليه الخناصر ويقال هذا اعلم الناس هذا ازهد الناس. هذا افضل الناس مع انه في في الاصل ولد ايه كما تعلمون - 00:39:21

يبقى لما قرنت الصفة الجبلية بالصفة المكتسبة دل على ان من تحلم وصل الى الحلم او كاد ومن تعلم وصل الى العلم او كاد والمعنى ده المعنى ده دقيقة في قول الله عز وجل - 00:39:42

ادفع بالتي هي احسن فاذا الذي بينك وبينه عداوة كأنه ولی حميم وخلي بالك من كلمة كأنه دین انت بينك وبينه عداوة لما اساء اليك انت احسنت اليه هي عمل ايه معك ؟ هيحترم نفسه - 00:40:12

اللي يشوفه وهو بيعاملك يقول ده ده ده كده روح انقسمت في بيته. مع انه مش كده عشان كده جت كانه ولی حميم. مش ولی حميم لأن الولي الحميم لا تكون له عداوة - 00:40:42

لا تكون في نفسه عداوة منك الولي الحميم مش كده لكن ربنا عز وجل قال كانه ولی حميم. السورة الظاهرة من تعامله المحترم معك اللي يشوف يقول ده انتيم يعني اسف في التعبير. ما استخدمش انا الكلمات ايها دي - 00:41:03

بس ايه روح انقسمت في بيته عشان انت عملت ايه استخدمت حسن الخلق كأنه ولی حميم مين اللي ممكن يصل للمنزلة دي وخلي العدو يدي له تعظيم سلام وما يلقاها الا الذين صبروا - 00:41:24

اه حزن حسن خلقه يعني ايه ؟ يبلغ المرء يسمع شتمته بودنه وعليكم السلام ورحمة الله. يوم الثاني يقول شف المغفل ده. فاكبني باسلم عليه وهو سامع شتمته بودنه وعارف انه مشتوم - 00:41:51

ومع ذلك شف يعمل ايه فاصل هو حاجة من اتنين مما يعلمه انه شتمه فيقف له بيكروا له انت ازاي تشتمني ده بقى مش هيخلص في سنته لأن اللي بيشتمن ده عنده قاموس للشتائم لا ينفك - 00:42:09

وكل ما تنزل في القعر تسمع شتائم الواحد يتمنى ان يموت ولا يسمعها متخصص شتائم وانت متربى رباك ابوك ورباك دينك ما تعرفش تشتم تبص تلقي ضربت لخمة كده وانت بتسمع الشتيمة. رح يا ابن كزا ويجب لك كلمة فزيعة - 00:42:30

فانت اقصى اقصى ما يمكن انك تشتبهه بتقول اخيه عليك يا اخي. اخيه عليك بس ده اللي تقدر تعامله وبعددين تروح البيت يا قلت له اخيه انا كده غلطان انا كده بصراحة قليل الادب - 00:42:54

انا كده بصراحة ما ينفعش اتكلم الكلام ده ده صاحبنا ده ده معين لا ينضب يبقى انت هتهزأ نفسك ولا لا اه هتهزق نفسك وتفرج الناس عليك احسن حاجة - 00:43:08

اعمل نفسك من السابع خلاص بل ممكن تقول له وعليكم السلام ذي ذي عامل ايه ؟ اخبارك ايه ؟ مش عارف ايه بكام ؟ عشان تخلص وده يحتاج الى يحتاج الى كياسة يبقى العدو ده - 00:43:24

لما احترمك واتعامل معك في الظاهر كأنه ولی حميم. كأنه ولی حميم وما يلقاها الا الذين صبروا طب اذا صبر ايه النتيجة وما يلقاها الا ذو حظ عظيم - 00:43:41

حز عظيم يعني ايه يعني سيخرج من الدنيا محمودة الاصل هيمدحه نترجم عليه والحسيس هيمدحه ويترجم عليه وده معنى قول النبي صلى الله عليه وسلم ان العبد لا يدرك بحسن خلقه - 00:44:05

درجة الصائم القائم وقال النبي صلى الله عليه وسلم ان اكثر ما يدخل الناس الجنة حسن الخلق ليه لأن المسألة في الآخر مسألة موازين الميزان له كفتان يوزن عمل العبد - 00:44:32

النبي عليه الصلاة والسلام لما قال اتدرون من المفسس حدث ابي هريرة الذي تعلمونه قالوا يا رسول الله المفسس فيما الذي نار له ولده ولا متابع. الله المفسس رجل - 00:45:01

اتى بحسنات اتى بصلة وذمة وصيام وحج وامر بمعرفة اي عن منكر اتى باشياء من الطاعات الكثيرة لكنه اتى وقد شتم هذا وضرب هذا وسفك دم هذا وافتوى على هذا - 00:45:16

فيأخذ هذا من حسناته وهذا من حسناته فان فنيت اي حسنات اي حسنات يعني اخذ من سيناتهم ثم طرحت عليه ثم طرح في النار  
طيب حسن الخلق اتى بصلة اتى بزكاة اتى بحج اتى اعمال الطاعات - 00:45:33

بس لا شتم ولا ضرب ولا سفك يبقى الحسنة اللي بيعملها اتحطت في كتابه ما فيش حد هياخدتها يبقى غني ولا ايه اللي دخله  
الجنة؟ حسن الخلق. مات وليس له خصم - 00:45:56

الا من كان مفتريا عليه وده هيكون في ميزانه ايضا الغيبة والنميمة والكلام والافتراء والبتاع والكلام ده. كل ده في صحيفة ايه؟  
المجنى عليه يبقى انسان حسن الخلق الحسنة اللي بيعملها بتفضل - 00:46:18

سيء الخلق يعمل الحسنة ويتعجب عليها ويجي بمنتهي البساطة تقوم خارجة من كتابه لواحد تاني يبقى يصلني ويقوم الليل وتصدق  
وما فيش حد طايقه طب هو لما اخذ شوية حسنات من قيام الليل - 00:46:36

خدتها يعني بسهولة لأ ده كان وراه شغل وقاوم نفسه وقام قبل الفجر بساعة وقعد يصلني وبعدين الفجر ونام له كمان شوية يعني تعب  
النفس عشان يتصدق البيت يحتاج هو لأن غالب نفسه وتصدق - 00:46:54

الامر بالمعروف والنهي عن المنكر عمل له مشاكل والامر بالمعروف والنهي عن المنكر لازم يعمل الصحف ومشاكل يابني اقم الصلة  
وامر بالمعروف وانهى عن المنكر واصبر على ما اصابك - 00:47:12

يبقى اذا امر بمعرفة هتيجي له مشاكل. لابد ان يصبر على ما اصابه نهى عن منكر هتيجي له مشاكل. يبقى لابد ان يصبر على ما  
اصابه خد له علقة سخنة - 00:47:26

في مرة من المرات عشان يبيقول للولد واقف مع بنت قل لي يا ابني كده اختك وعييب ومش عارف ازاي يقول له الكلام ده قدام البنت  
لازم يبقى راجل عنترة بن شداد بقى - 00:47:39

فلازم يدي له علقة داخل معك اداله العلقة المحترمة كسر عضمه. عشان يبين للبنت ان هو ما فيش حد يتعدى عليه وبتاع وراجل  
وحاجات زي كده العلقة اللي خدها دي - 00:47:47

ده برضو حسنات او سينات من آآ جانب اللي ضربه كل ده بمنتهي البساطة قام خارج من صحيفته لمين؟ للذى جنى عليه انما حسن  
الخلق ابدا ما يطلعش من صحيفتي - 00:47:58

حسنـة ولا ياخـد من سـينـاتـ حـدـ لـيـ حـسـنـ الـخـلـقـ طـيـبـ يـبـقـيـ دـهـ صـاحـبـ حـظـ عـظـيمـ فـيـ الدـنـيـاـ اـنـ مـاتـ وـلـمـ يـقـدـحـ فـيـ اـحـدـ وـدـ حـزـ كـبـيرـ  
ان ابراهيم عليه السلام - 00:48:15

دعا ربـهـ تـبارـكـ وـتـعـالـىـ بـدعـوـاتـ مـنـ جـمـلـتـهاـ وـاجـعـلـ لـيـ لـسانـ صـدـقـ فـيـ الـأـخـرـيـنـ اـيـ لـاـ يـأـتـيـ اـحـدـ بـعـدـ فـيـذـكـرـنـيـ الاـ بـخـيرـ اـهـوـ اـنـ قـرـأتـ  
بعض الكتاب المشاهير اللي اسمهم زي الطبل - 00:48:37

اسمـهمـ زيـ الطـبـلـ قالـ اـنـاـ لـاـ يـضـرـنـيـ اـنـ يـسـبـنـيـ النـاسـ بـعـدـ مـوـتـيـ.ـ المـهـمـ يـمـلـأـ اـذـنـيـ مـدـحـاـ فـيـ حـيـاتـيـ عـاـيـزـ اـسـتـمـتـعـ وـاـنـاـ حـيـ اـنـماـ حـسـنـ  
امـوتـ اـشـتـمـواـ زـيـ مـاـ هـمـ عـاـيـزـينـ - 00:49:01

اهـوـ دـهـ الـاحـمـقـ بـقـىـ.ـ دـهـ عـنـدـ جـيـنـاتـ بـقـىـ.ـ جـيـنـاتـ الـحـمـقـ الـذـكـرـ لـلـاـنـسـانـ عمرـ ثـانـيـ اـنـاـ مـاـ اـحـسـسـتـ يـوـمـاـ انـ الـبـخـارـيـ مـاتـ وـلـاـ اـحـمـدـ وـلـاـ  
الـشـافـعـيـ وـلـاـ مـالـكـ وـلـاـ اـبـوـ حـنـيفـ وـلـاـ مـسـلـمـ وـلـاـ دـارـ قـطـنـيـ وـلـاـ حـدـ مـنـ الـعـلـمـاءـ.ـ اـنـاـ مـاـ اـحـسـسـتـ يـوـمـاـ انـهـ مـاتـواـ - 00:49:21

ليـهـ لـانـيـ معـهـمـ فـيـ كـلـ وـقـتـ وـحـينـ اـقـرـأـ استـفـيدـ اـتـرـحـمـ اـتـرـضـيـ اـنـمـاـ الـذـيـ يـمـوتـ يـوـمـ يـدـفـنـ.ـ هـوـ دـهـ الـلـيـ بـيـمـوتـ فـالـذـكـرـ لـلـاـنـسـانـ  
عـمـرـ ثـانـيـ.ـ يـبـقـيـ اـذـاـ بـقـاءـ سـيـرـتـكـ نـاصـعـةـ - 00:49:48

بعدـ وـفـاتـكـ هـذـاـ مـنـ اـهـمـ الـمـهـمـاتـ فـاـذـاـ مـتـ وـاـثـنـىـ النـاسـ عـلـيـكـ خـيـرـاـ يـبـقـيـ هـذـاـ حـظـ عـظـيمـ فـاـذـاـ لـقـيـتـ رـبـكـ تـبارـكـ وـتـعـالـىـ فـذـاكـ حـظـ اـعـظـمـ  
شـوفـ الـاـيـةـ تـحـتـهـ مـعـانـيـ اـنـاـ لـوـ - 00:50:09

وقـفـتـ مـعـ الـاـيـةـ وـكـانـتـ النـيـةـ الـحـقـيقـةـ الـنـهـارـدـةـ اـنـ اـقـفـ مـعـ الـاـيـاتـ الـلـيـ فـيـهاـ حـسـنـ الـخـلـقـ وـمـعـ بـعـضـ الـاـحـادـيـثـ الـلـيـ فـيـهاـ حـسـنـ الـخـلـقـ وـمـعـ  
سـيـرـةـ النـبـيـ صـلـىـ اللـهـ عـلـيـهـ وـسـلـمـ الـلـيـ فـيـهاـ حـسـنـ الـخـلـقـ - 00:50:31

وبـعـدـيـنـ اـدـخـلـ عـلـىـ سـيـرـتـيـ مـعـ نـسـائـهـ.ـ عـشـانـ الـمـنـظـومـةـ تـكـتمـلـ وـتـعـرـفـ اـهـ وـتـعـرـفـ اـنـ الرـجـلـ حـسـنـ الـخـلـقـ لـاـ يـكـونـ سـيـءـ الـخـلـقـ

حتى مع الدواب بل لابد ان يكون حسن الخلق. اينما يمم وجهه - [00:50:48](#)

دي منزومة كاملة متكاملة لكن قدر الله عز وجل اتناول الاية ديت. النهاردة واظهر بعض ما فيها ما وما يلقاها الا الذين صبروا وما يلقاها الا ذو حظ عظيم ايه بقى - [00:51:05](#)

المثابرة وفي حديث ابي سعيد الخضري ان النبي صلى الله عليه وسلم قال من تصربيصبه الله اهو ده نفس الكلام يعني حتى لو افترضنا الحديث النهاردة انا ارى انه موقف اللي هو انما الحلم بالتحلم والعلم بالتعلم. حتى - [00:51:23](#)  
الذين صححوه ورفعوه مثلا يشهد للمعنى مش بس عشان ما فيش حد يفهم غلط ان انا لا اقوى الحديث بهذا لكن المعنى اللي فيه ده موجود في حديث مرفوع صحيح في الصحيحين - [00:51:48](#)

من تصربيصبه الله اهو الصبر ليس سجية عند لكنه استلهم الصبر من الله والله عز وجل يقول فاصبر وما صبرك الا بالله. واصبر وما صبرك الا بالله. ان لم يصبرك لا تصربيصبه - [00:52:05](#)

كما قال تبارك وتعالى ثم تاب عليهم ليتوبوا لولا انه تاب عليهم ما تابوا فله الحمد في البدء والختام وله الحمد في الاولى والآخرة  
يبقى النهاردة الكلام دهو انما الحلم - [00:52:31](#)

بالتحلم والعلم بالتعلم. وضع وضع صفة مكتسبة بجنب صفة جبلية ليدل على ان الصفة المكتسبة ممكن تصير كالجبلية ده الكلام ده  
ايه اذا تعاهد العبد نفسه فانه يرتقي من مرحلة الى مرحلة حتى يصبر كانها هيئة راسخة فيه - [00:52:48](#)

يبقى عندنا بقى حسن الخلق مع الناس بذل الندى قولها وعملا وكف الاذى قولها وعملا بذل الندى يعني حتى العبارة جميلة ان بذل الندى  
يعني الانسان ايه انسان اذا اعطي - [00:53:14](#)

اذا سأله اذا سئل اعطي اذا سأله اذا سئل اعطي والحقيقة مسألة الكرم ديت تغطي كل عيب للانسان الكريم لا عيب له والانسان البخيل  
لا ميزة عنده مهما فعل ما لوش ميزة - [00:53:37](#)

طول ما هو بخييل لان الجينات برضو البخل ده جينات هتلاليه برضو ايه ؟ منين ما يودي وشه بخييل بخييل حتى في الكلمة الكلمة  
الطيبة بخييل يقولها الابتسامة اللي هي النبي عليه الصلاة والسلام قال تبسمك في وجه اخيك صدقه - [00:54:10](#)

بخييل شف يعني بيقول لك مرة واحد بخييل من اللي هو عنده جينات البخل دي مرة كان يسبح في النهر هيغرق فمر به اتنين واحد  
يعرفه واحد ما يعرفوش اللي ما يعرفوش الثاني بيقول اه بغرق الحقوقني والكلام ده. اللي ما يعرفوش قال له ايه ؟ قال له -  
[00:54:33](#)

هات يدك ما رضاش يدي له ايده الثاني اللي عارفه قال له ايه ؟ قال له خذ يدي عدى له ايده طب ايه الفرق بين الاثنين ؟ الاولاني  
اقول له هات - [00:55:02](#)

هو مش متعدود على هيهات ايه ده حتى لو هيموت فيها هيغطس في قاع النار مش ممكن يدي له ايده عشان قال له هات انما الثاني  
اللي فاهمه قال له خز - [00:55:15](#)

متعدود ياخذ خذ يدي شف لما بنى ادم يصل به الحال الى هذا منين ما يودي وشه تلاليه بخييل وحش ما يتعاشرش بذل الندى شوف  
الانصار يا سلام على الانصار دول - [00:55:25](#)

اللي ربنا عز وجل قال ويؤثرون على انفسهم ولو كان بهم خاصية لما جت اموال بنى النضير والرسول عليه الصلاة والسلام قال  
اموال بنى النضير دي للمهاجرين بس الاسار ما لهمش فيها - [00:55:43](#)

اعلن خير الانصار. قال لهم بصوا اما اذا كنتم عايزين تاخدوا من الغنائم بتاع بنى النضير بقى يشرككم الانصار في نصف كل شيء  
عندكم عندك دار المهاجر ياخذ نصها عندك ارض المهاجر ياخذ نصها - [00:56:03](#)

اذا نصتم ما تملكون واديتها ده للمهاجرين تشارکوهم في ايه في اموال بنى النضير قال له قالوا له يا رسول الله لأ احنا هنقول  
هنقول حاجة يأخذون نصف ما عندنا - [00:56:23](#)

ولَا نَأْخُذْ شَيْئًا مِّنْ أَمْوَالِ بَنِي النَّضِيرِ شَفْ شَفْ الْأَخْلَاقِ قَالُوا إِنَّا عَازِيزُونَ نَدِيلُهُمْ نَصَّ اللَّيْلِ عَنْدَنَا وَلَا نَشَرِّكُهُمْ فِي أَمْوَالِ بَنِي النَّضِيرِ

يا سلام نزل قوله تعالى بقى - 00:56:44

والذين تبؤوا الدار والايام يحبون من هاجر اليهم ولا يجدون في صدورهم حاجة مما اتوا اللي هم المهاجرين. اموال بنى النضير  
00:57:08 ويؤثرون على انفسهم ولو كان بهم خصاصة خصاصة يعني شدة فقر -

انا ادي له نص داري واصله وادي له نص آآ ارضي اعطيه يعني نصف ما املك من كل شيء وانا في اشد الحاجة وفي نفس الوقت  
00:57:32 هيأخذ نص اللي عندي ويأخذ اموال بنى النضير كمان -

قال ومن يوق شح نفسه فاولئك هم المفلحون يلقى شح نفسه مش بخل نفسه لان الشح هو اشد البخل فهو لاء لم يبذلوا الندى فقط  
00:57:53 هؤلاء لا نظير لهم الانصار لا نظير لهم -

عشان كده النبي صلى الله عليه وسلم قال لو سلك الناس شعبا وسلك الانصار شعبا لسلكت شعب الانصار وواديهم قال اللهم اغفر  
00:58:21 للانصار ولابناء الانصار ولابناء ابناء الانصار الاثار دول -

قال لهم المحييا محياكم والممات مماتكم للانصار عرفوا ان النبي عليه الصلوة والسلام او بلغهم او تصوروا ان النبي عليه الصلوة والسلام  
00:58:46 بعد فتح مكة هيرجع مكة تاني بيرجع مكة وسبنا -

نعيش من غيره في المدينة ما تصوروش المسألة دي خالص فلما رأهم على هذا الفزع وعلى هذا الخوف والوجل والبكاء انه  
00:59:07 سيفارقهم واذهب الى مكة قال لها هذه العبارة المحييا محياكم -

انا ان حبيت لن احيا الا بينكم والممات مماتكم. ولئن مت لن ادفن الا في ارضكم الانصار دي قصة كبيرة جدا جدا بذلوا الندى وزيادة  
00:59:28 قولوا وفعلا وكف الاذى في مقابل بذل الندى -

وطبعا يعني هذا الكلام يحتاج الى شرح وتوضيح نذكره ان شاء الله تبارك وتعالى ان جمعنا الله بكم مرة اخرى في الحلقة القادمة  
00:59:53 باذن الله تعالى اقول قولي هذا واستغفر الله العظيم -

لي ولكم وصلى الله وسلم وبارك على نبينا محمد والحمد لله رب العالمين - 01:00:10